

周官精義

一
函
六
冊

周官精義卷十一

潁川 連斗山叔度編次

秋官司寇下

大行人

中大夫二人。府四人。史八人。胥八人。徒八十人。

掌大賓之禮及大客之儀。以

親諸侯。春朝。

音潮下同。

諸侯而圖天下之事。秋覲。以比邦國之功。

夏宗。以陳天下之謨。冬遇。以協諸侯之慮。時會。以發四方之

禁。殷同。以施天下之政。

注

大行人。主賓客之長官。其官屬列于此者。蓋賓客主嚴

儀之本。儀者禮之文。親者朝聘往來是也。春見曰朝。以圖

其事之可否。秋見曰覲。以比其功之高下。夏見曰宗。以陳

其謨之是非。冬見曰遇。以合其慮之異同。時見曰會。徵其師旅以伐有罪。衆見曰同。考其制度一如巡狩。

論總

御案曰。朝覲宗遇。常禮也。猶祭享之有祠禴嘗烝也。會

同。盛禮也。猶祭享之有大禘大洽也。盛禮閱數年而一舉。所以震耀聲靈。而齊一諸侯之心志也。舉盛禮則不復舉常禮。歲無二朝。蓋不欲數勤諸侯矣。

賈氏公彥曰。事由春始。故圖事。秋時物成。故比物。夏物盛大。故陳謨。冬物伏藏。故合慮。李氏曰。君臣之禮不接。則上恩不下流。下情不上達。嫌疑易以生。毀譽易以入。故制朝覲宗遇之禮。以圖事比功。陳謨協慮。則上下交而志同。絕無壅隔之患者矣。

論通

朱子曰。儀禮覲禮。諸侯行禮既畢。則降而肉袒請刑于廟門之東。王曰。伯父無事。歸甯乃邦。然後再拜稽首。出。

自屏南。此所謂懷諸侯。則天下畏之也。所以屬于司寇。王氏曰。出爵賜命。藹然如春。故典命屬于春官。正位肅儀。森然如秋。故司儀屬于秋官。孫氏之宏曰。六服之君。各以歲時朝覲宗遇。而陪臣將命。入貢獻功。幾無虛日。委積飡牽以待之。郊勞燕享以寵之。送逆必于其疆。而不憚其煩。存頌必以其時。而不厭于數。周公經紀天下。精神聚會于此。此意管仲猶知之。故其言曰。招攜以禮。懷遠以德。德禮不易。無人不懷。故五伯桓公爲盛也。

時聘以結諸侯之好。

呼報切

殷頌

通笑切

以除邦國之慝。間

記莧切

問以諭諸侯之志。歸賑

上軫切

以交諸侯之福。慶賀以贊諸侯

之喜。致禮

音會

以補諸侯之裁。

注轉

時聘。謂諸侯使大夫以時來聘。天子親以禮遣之。所以結其恩好也。殷頌。謂諸侯皆使卿以聘禮來頌。天子親

以禮見之。所以除其交惡也。上文言諸侯之于天子。此二句言諸侯使于天子。下文言天子之于諸侯也。間。問。間歲

以問諸侯。所以通其志也。歸脤。分胙以賜諸侯。所以同其福也。諸侯有喜。則慶賀以贊之。諸侯有戕。則致膾以補之。合贈謂贈又所以同其憂喜也。

以九儀辨諸侯之命。等諸臣之爵。以同邦國之禮。而待其賓客。

注輯 九儀。謂諸侯之命五。公侯伯子男。諸臣之爵四。孤卿大夫士也。九儀之名位不同。辨之等之。則邦國之禮可同。

而賓客
可待矣。

論通 御案曰。此與典命之文互備。典命所掌者。諸侯在國之儀。此所辨所等者。王朝待賓之禮也。

上公之禮。執桓圭九寸。纁藻音藻藉九寸。冕服九章。建常九旂。同旒。

盤音纓九就。貳車九乘。繩正切介九人。禮九牢。其朝音位賓主

之間九十步。立當車軹。音只音賓者五人。廟中將幣三享。王禮再

裸而酢。饗禮九獻。食音禮九舉。出入五積。子賜切三問三勞。力報切

切

注此上公之禮。九儀之一也。上公九命。其禮皆以九爲數。此圭纁已見前。冕服著冕之所服。九章者。龍山華蟲火

與宗彝五者畫之于衣。藻粉米黼黻四者繡之于裳也。常即交龍之旂。旂則旂之下垂者。樊馬腹帶。纁馬鞅也。每一

處五采備爲一就。貳車謂副車。介輔賓行禮者。禮謂饗餼三牲備爲一牢。朝位謂大門外賓下車。王車出迎。所立之

處軹轂末也。擯五人者。大宗伯小行人嗇夫及二士也。將幣三享者。上公送束帛加璧于王。凡三獻也。王禮再裸而

酢者。王以鬱鬯禮賓。再裸賓乃酢王也。享禮以飲爲主。食禮以食爲主。獻謂裸獻舉。謂舉牲體。出入謂自來至去。積

周官經義
卷十一
三

牢禮問存問
勞慰勞也

諸侯之禮執信

音伸

圭七寸。纁藉七寸。冕服七章。建常七旂。樊

纓七就。貳車七乘。介七人。禮七牢。朝位。賓主之間七十步。立

當前疾。擯者四人。廟中將幣三享。王禮壹裸而酢。饗禮七獻。

食禮七舉。出入四積。再問再勞。諸伯執躬圭。其他皆如諸侯

之禮。

注

此言侯伯之禮。九儀之二之三也。七章謂自華蟲以下。前疾。轅前下垂者。

諸子執穀璧五寸。纁藉五寸。冕服五章。建常五旂。樊纓五就。貳車五乘。介五人。禮五牢。朝位。賓主之間五十步。立當車衡。

擯者三人。廟中將幣三享。王禮壹裸不酢。饗禮五獻。食禮五舉。出入三積。一問一勞。諸男執蒲壁。其他皆如諸子之禮。

注

此言子男之禮。九儀之四之五也。五章自宗彛以下。衡車前橫木也。

論

王氏應電曰。先命圭纁藉者。守國之瑞。朝覲所執以爲信也。次言冕服至貳車。車服以庸。辨尊卑莫大于此也。

次言在朝在廟在館在送。其禮無不同。而有隆殺之義。朝位步數。以至門爲度。迎送以遠爲敬也。立則以進前爲敬。故上公立當軼。侯伯則當疾。子男則當衡也。

凡大國之孤執皮帛。以繼小國之君。出入三積。不問壹勞。朝位當車前。不交擯。廟中無相。息亮切以酒禮之。其他皆眡小國

之君。凡諸侯之卿。其禮各下其君二等。以下及其大夫士。皆

如之。

注

此以君命來聘者。大國之孤執東帛飾豹皮以爲摯。次于子男之後。不交摯。謂不使介傳辭。親自對摯者也。廟

中無相者。謂介皆入門西向而立。不前相禮也。以酒禮之者。謂王但禮以齊酒。不用鬱鬯也。此九儀之六也。若諸侯之卿來聘。其禮各降于其君二等。大夫視卿。士視大夫。其遞降亦如是。此九儀之七之八之九也。

邦畿方千里。其外方五百里。謂之侯服。歲一見。其貢祀物。又

其外方五百里。謂之甸服。二歲一見。其貢嬪

當作賓

物。又其外

方五百里。謂之男服。三歲一見。其貢器物。又其外方五百里。

謂之采服。四歲一見。其貢服物。又其外方五百里。謂之衛服。

五歲一見。其貢財物。又其外方五百里。謂之要服。六歲一見。

其貢貨物九州之外謂之蕃國。世一見各以其所貴寶爲

注

此言九服朝貢之制九州之外蠻夷鎮蕃之地也。祀物犧牲之屬。嬪物絲枲也。器物尊彝之屬。服物玄纁絺纈。

也。材物八材貨物龜貝貴寶。如犬戎獻白狼白鹿是也。

主之所以撫邦國諸侯者。歲徧存。三歲徧頌。五歲徧省。七歲

屬

音燭下同

象胥。諭言語。協辭命。九歲屬瞽史。諭書名。聽聲音。十

有一歲達瑞節。同度量。成牢禮。同數器。修瀼則。十有二歲王

巡狩殷國。

注

撫安也。存。謂問其安否。頌。謂視其治效。省。謂察其風俗。屬。猶聚也。象胥。譯官。諭。言語。則通五方之言語。協辭命。

則合九等之辭命。瞽史。樂官。諭書名。則達六書之文。聽聲音。則察五音之和。瑞。六瑞節。六節。度丈尺。量斗斛也。牢。禮。

若掌客之所掌。數器若合方之所掌。灋卽八灋。則卽八則。王巡狩。諸侯各朝于方岳。不巡狩。則諸侯皆來朝于京師。謂之殷國。凡此者。皆所以撫萬邦也。

通論

何氏曰。至十有一年。則王將巡守矣。列國之瑞節度量。牢禮數器。灋則有不一者。大行人從而達同成修以等。

齊之爲巡守。時制度張本也。楊氏時曰。虞舜之世。其事簡。其人寡。其於巡守也。兵衛少。徵求輕。故行之五歲不爲數。成周之世。其事煩。其人衆。其于巡守也。兵衛多。供億繁。故行之十二年不爲疏。

凡諸侯之王事。辨其位。正其等。協其禮。賓而見之。若有大喪。則詔相諸侯之禮。若有四方之大事。則受其幣。聽其辭。凡諸侯之邦交。歲相問也。殷相聘也。世相朝也。

注釋

王事。謂諸侯有朝王之事。羣侯畢會。其位其等。其禮。不獨公侯伯子男有別。卽公與公。侯與侯。伯與伯。子男與

子男亦有分。皆大行人爲之辨之。正之協之。然後王以禮見之也。至大喪。諸侯有哭位。擗踊之禮。則詔之相之。大事諸侯有束帛入告之辭。則受之聽之。皆大行人之職也。若夫諸侯無朝王之事。小國朝大國。大國聘小國。敵國則兩君自相與。所謂交也。問以言交。聘以禮交。世謂嗣君卽位。往來相朝以親交。此皆所以習禮攷義。正刑一德。以尊天子也。

通論

程子曰。先儒有王臣無外交之說。非也。若天下有道。諸侯順軌。豈有內外之限。其相交好。乃常禮也。然不安官守而遠相朝。無是道也。所謂世相朝。謂隣國耳。

小行人

下大夫四人

掌邦國賓客之禮籍。以待四方之使者。令諸

侯春入貢。秋獻功。王親受之。各以其國之籍禮之。

注

小行人。行人之貳。禮籍。各位尊卑之書。春入貢。謂各進方物。秋獻功。謂各獻功績。親受之。敬之也。各以其籍禮

之。循其故常。
以禮待之也。

總論

御案曰。大行人曰禮儀。小行人則曰禮籍者。書曰享多。

儀。百辟來王。大行人辨其位。正其等。協其儀。賓而見之。所
尤謹者儀也。小行人各以其國之籍禮之。則不過按故籍。
以時饗食。致餼積而已。禮籍。卽司儀掌客所列二官。旣分
掌其事。而小行人復通掌其籍者。以使適四方。協九儀。賓
客之禮。其籍已豫具也。

凡諸侯入王。則逆勞。

力報切

於畿。及郊。勞。胝館將幣。爲承而擯。

凡四方之使者。大客則擯。小客則受其幣。而聽其辭。

注

入王。謂入朝于王。未至則有迎勞郊勞之使。既至則有

致館將幣之儀。皆王遣卿大夫。而小行人但爲承摯承

摯。次摯也。大客。謂要服內使臣。小客。謂蕃國之使臣。大客

則摯而見之。使得親言其事。小客則但受幣聽辭。轉告王

而已。

使適四方。協九儀賓客之禮。朝覲宗遇會同。君之禮也。存煩

省聘問。臣之禮也。

注

自此以下。皆小行人使適四方之事。九儀。卽前九儀。協

合也。天子使小行人適四方。協合其禮也。朝覲六者。諸

侯事君之禮。存煩省三者。天子使臣于諸侯。

聘問二者。諸侯使臣于天子。皆臣之禮也。

總論

御案曰。賓客來享來王。固欲其儀之協。卽其邦交。亦恐

以地之遙遠。國之強弱。過恭過汰。以違王度。故使小行人

適四方而協之。所以消患于未萌也。觀春秋列國會盟之次。朝聘之數。時有煩言。則九儀不協之明徵也。

達天下之六節。山國用虎節。土國用人節。澤國用龍節。皆以金爲之。道路用旌節。門闕用符節。都鄙用管節。皆以竹爲之。

輯注

此謂邦國之節也。達之者。使之四方。亦皆齋灋式以齊等之也。虎人龍三者。諸侯使人出聘所執。旌符管三者。諸侯各國所用者也。

成六瑞。王用璜。

音圭

圭。公用桓圭。

音圭

侯用信圭。伯用躬圭。子用

穀璧。男用蒲璧。合六幣。圭以馬。璋以皮。璧以帛。琮

才宗切

以錦。

琥

音虎

以繡。璜

音黃

以黼。此六物者。以和諸侯之好。

呼報切

故。

注

成者攷驗符合。均一整齊之意。六瑞圭璧也。宗伯言執謂執之以行禮。此言用謂用之以合信也。合同也。言其

兩相配也。六幣諸侯享王之禮。銳首曰圭。其幣用馬。半圭曰璋。其幣用豹。上公用之。璧圓而中虛。幣用帛。琮方而八

面。幣用錦。侯伯用之。虎形爲琥。幣用綉。半璧曰璜。幣用黼。子男用之。以其誠意而來則曰好。以其因事而來則曰故。

論總

劉氏倣曰。九儀既正。乃達六節。以爲行道之符。乃成六瑞。以爲朝見之信。乃合六幣。以致用享之誠。

若國札喪。則令賻補之。若國凶荒。則令賙委之。若國師役。則

令犒

原本犒

。若國有福事。則令慶賀之。若國有禍裁。則令

哀弔之。凡此五物者。治其事故。

注

此天子與諸侯同憂樂之義。賻補以財物爲賻而補之也。賙委以委積爲助而賙之也。犒。禮哀圍敗。慶

賀。卽賀慶以贊喜。哀弔。卽弔。禮哀禍裁也。治其事故者。行此五者之事宜。酌此五者之舊典也。

論通

御案曰此五者其四大宗伯所掌凶禮其一嘉禮也復列于此者設所至之國有此則令鄰國供具而後以復于王故其文次于使適四方之後也

及其萬民之利害爲一書其禮俗政事教治

直吏切

刑禁之逆

順爲一書其悖逆暴亂作慝猶犯命者爲一書其札喪凶荒
厄貧爲一書其康樂和親安平爲一書凡此五物者每國辨
異之以反命于王以周知天下之故

注輯

行人周行天下利害錄成一書將以興之除之順逆錄
爲一書將以慶之讓之其惡者爲一書將以討之其困

者爲一書將以寬之其善者爲一書將以褒之以此
辨異之以反命于王則天下所以然之故可知矣